



COMUNU DE CABUDERRA

Tzitadi Metropolitana de Casteddu

09.01.2023

Setori N.4 - Politzia Munitzipali

Ordinàntzia n. 4 de su 09/01/2023

OGETU: PRÒROGA ORDINÀNTZIA N. 114 DE SU 21.12.2022 FINTZAS A S'ACABU DE IS TRABALLUS, PO PERMITI DE TORRAI IS STRADAS CHE A PRIMU.

SU RESPONSABILITÀ DE SU SETORI

Cunsiderau e averiguau ca is traballus chi pertocant s' ordinàntzia n.114/2022 no funt acabaus ma a dii de oi funt sighendi;

Postu chi funt sighendi finas is cunditzionis chi nci fiant ainnantis de s' Ordinàntzia e duncas serbit una pròroga;

Bius:

- is art. 7, 21 e 37 de su Còdixi Nou de sa Strada, aprovau cun D.L.gs. 30.04.1992 n. 285 e s.m.i., e finas su regulamentu de esecutzioni e de cumpridura aprovau cun D.P.R. 16.12.1992, n. 495;

- s' art. 107 de su D.L.gs 267/2000, cun su "Testu ùnicu asuba s' ordinamentu de is Entis Localis";

- sa dispositzioni sindacali de cunferimentu de s' incàrrigu de positzioni organizativa N.72 de su 29/12/2022;

Bida sa domanda imbiada, prot. 24522 de su 21/12/2022 e sa rechesta n. 45099 de su 20.12.2022, de parti de sa senn. Ambu Gigliola in calidadi de amministradora ùnica de s' impresa *NTC Costruzioni generali*, po s' interdizioni partziali de sa circolatzioni stradali cun divietus de sosta de su 22 de su mesi de idas 2022 a s' 08 de gennàrgiu 2023, po torrai unas cantu stradas de Cabuderra comenti fiant a primu;

Bida sa rechesta imbenienti, de parti de sa pròpiu responsàbili de s' impresa *NTC Costruzioni Generali*, de pròroga de s' ordinàntzia n.114/2022, ca is traballus funt sighendi;

Bida sa detèrmina de assinnatzioni de is traballus de parti de su Setori Traballus Pùblicus n. 79 de su 28.07.2022, chi nc' at assinnau sa mantenidura straordinaria de is stradas e de is marciapiedis de su Comunu de Cabuderra a sa dita *NTC costruzioni*;

Averiguada s' istrutòria de su protzedimentu e cunsiderau chi po fai is traballus bolit proibida sa circolatzioni stradali in su tretu inditau in ogetu;

Òrdinat

- Sa pròroga de s' ordinàntzia n.114 de su 21/12/2022 fintzas a sa dii de acabu traballus;
- Sa limitatzioni de sa circolatzioni veiculari e pedonali cun divietu de sosta de is oras 7.00 a is oras 20,00 cumentzendi de su 22.12.2022 fintzas a s' 08.01.2023, prorogada fintzas a sa dii de acabu traballus in is bias chi sighint:
- Bia de Serpentara, tretu intre sa bia de Majorca e sa bia de Panarea e de sa bia Panarea finas a s'acabu de sa strada;
- Ingruxada SP 91 e bia de Ischia;
- Bia de Casteddu, su tretu intre sa bia del Popolo a sa bia de Melis;
- Bia Amendola, de bia de Caprera a s' arrodiada de bia de Colombo;
- Bia del Popolo, de bia de Casteddu a bia de Gramsci.

Po s'amparu de sa seguresa de totus, sa Dita depit:

- ponni is sinnalis stradalis cunforma a su D.P.R. 16 de idas 1992 n. 495: "Regulamentu de esecuzioni e de ponidura in aplicu de su Còdixi Nou de sa strada";
- po mèdiu de su responsàbili de sa seguresa in su cantieri, tocat a imperai sa sinnaletica stradali cun sa scritta *LAVORI IN CORSO* e de totu is avèrtias chi serbint, a de noti e a de dii, po ndi stesiai su perìgulu de incidentis o de àterus strobis, asseguendi s' arrespetu de su chi previdit custa ordinàntzia, cun pena de suspensioni, luegus etotu, de custu atu;
- bogai is sinnalis de chi is traballus ant a essi acabaus;
- averiguai chi, fintzas a s' acabu de is traballus s' impresa sigat a computai e a fai sa mantenidura de sa sinnaletica, ca est responsàbili a manera dereta de cali si siat dannu a àterus o a s' Aministrazioni Comunali etotu po incumprimentu de custa ordinàntzia e de is normas in vigèntzia in matèria de cantieris stradalis;

Po totu su chi no nc' at in custa ordinàntzia, s' impresa si depit cunformai a su decretu interministeriali de su 04 de martzu 2013, chi pertocat sa seguresa de sa sinnaletica in is cantieris de traballu (G.U 67 de su 20.03.2013). Totu is fartas contra a sa seguresa stradali, totu is omissionis pertocantis sa sinnaletica, sa mantenidura e sa funtzioni cosa sua, a de dii e a de noti e in s' in casu de pagu visibilitadi, su de no torrai che a primu sa strada de chi s' ant a acabai is traballus, previdint, cunforma a s' art. 21 de su D.L.gs n. 285/1992, sa santzioni amministrativa in dinai de unu mìnimu de € 868,00 fintzas a unu màssimu de € 3.471,00, e sa santzioni atzessòria de òbligu de torrai che a primu su logu interessau a is traballus.

Is ufizialis e is agentis de Polizia Stradali e totu is sugetus interessaus a manera istituzionali, cunforma a s'art. 12 de su D.L.gs. 30 de abrilu 1992 n. 285, tenint s' incàrrigu de sa vigilàntzia e finas de averiguai s' arrespetu de custa ordinàntzia etotu.

Si fait sciri ca:

Sa responsàbili de su protzedimentu est Sa Dotora Roberta Maxia.

Contra a custa Ordinàntzia si podit presentai:

- recursu a su Tar de Sardìnnia in cabu de 60 diis, o
- recursu straordinàriu a su Capu de su Stadu intru de 120 diis, de sa dii de notìfica o de candu s' est fatu connosci custu provedimentu etotu, cunforma a s'art. 8 de su D.P.R. n°1199/1971.

Una còpia de custa ordinàntzia bolit notificada a:

- *NCT Costruzioni Generali*.

Est imbiada po connoscèntzia:

- a su Sìndigu de Cabuderra Sedi;
- a su Setori Traballus Pùblicus Sedi;
- a sa Dita *NTC Costruzioni generali*;
- a sa Statzioni de is Carabineris de Cabuderra, bia de Bologna 1/B;
- a s' Albu Pretòriu- Situ istituzionali.

Cabuderra, su 09/01/2023

SA RESPONSÀBILI DE SU SETORI
Roberta Maxia
